

Bosna i Hercegovina i Europska unija – HRONOLOGIJA DOGAĐAJA

1992, april: Međunarodnim priznavanjem R BiH kao nezavisne i suverene države počinju se razvijati odnosi između Bosne i Hercegovine i Europske unije.

1995, novembar: Potpisan mirovni sporazum u Dejtonu. Rat u BiH je time zaustavljen a uspostavljena su dva entiteta u Bosni i Hercegovini: Federacija BiH i Republika Srpska.

1997: Regionalni pristup. Vijeće ministara Europske unije postavlja političke i ekonomske uvjete za razvoj bilateralnih odnosa. Bosna i Hercegovina uživa autonomne trgovinske povlastice.

1998: Consultative Task Force-CTF - Konsultativne radne grupe EU/BiH je uspostavljena s ciljem da osigura tehničku i stručnu pomoć u području administracije, politike te regulatornog okvira.

1999, maj: Stabilisation and Association Process / SAP / - Proces stabilizacije i pridruživanja. SAP nudi jasnu mogućnost integracije za Bosnu i Hercegovinu kao i druge četiri zemlje regiona u EU strukture.

1999, juni: Usaglašen Pakt stabilnosti - politički dokument kojem je strateški cilj stabilizacija u jugoistočnoj Europi putem približavanja zemalja regije euro-atlanskim integracijama te jačanja regionalne suradnje. U julu 1999. godine u Sarajevu je održan Samit šefova zemalja i vlada Europe, Kanade, Japana i SAD-a na kome je podržano i ozvaničeno osnivanje Pakta stabilnosti

2000, mart: Road Map – Objavljena je EU mapa puta. Ovaj dokument uspostavlja 18 ključnih uvjeta koje Bosna i Hercegovina treba da ispuni kako bi se pristupilo izradi Studije izvodljivosti (Feasibility Study) za otpočinjanje pregovora o Stabilizaciji i pridruživanju.

2000: Produženje bescarinskog pristupa proizvoda iz Bosne i Hercegovine tržištu Europske unije.

2000, decembar: Donesena je uredba od strane Vijeća (uredba 2666/2000) o programu pomoći EU za obnovu, razvoj i stabilizaciju pod nazivom CARDS. Radi se o programu tehničke pomoći Europske unije za obnovu, razvoj i stabilizaciju namijenjen Albaniji, Bosni i Hercegovini, Federalnoj Republici Jugoslaviji, Hrvatskoj i Makedoniji.

2002, decembar: Europska komisija saopćila da su smjernice Mape puta o približavanju Europskoj uniji uglavnom ispunjene.

2003, juni: Samit u Tesaloniki; Proces stabilizacije i pridruživanja je potvrđen kao politika EU za Zapadni Balkan. Europska perspektiva ovih zemalja je, također, potvrđena.

2003, novembar: Europska komisija usvojila prijedlog IZVJEŠTAJA O SPREMNOSTI BIH za početak pregovora sa Europskom unijom o Sporazumu o stabilizaciji i pridruživanju.

2004, juni: Europska Unija je prihvatila Europsko partnerstvo sa BiH.

2005, oktobar: Europska Komisija je procijenila da je BiH postigla značajan napredak u implementaciji reformi iz Studije izvodljivosti i predložila da pregovori o SSP počnu.

2005, novembar: Pregovori o SSP-u između EU i BiH službeno su počeli.

2006, decembar: Tehnički pregovori o SSP-u između EU i BiH uspješno završeni (ukupno pet rundi pregovora). Nakon što se ispune svi postavljeni kriteriji Sporazum će biti zvanično potpisan.

Ažurirano: april 2007.